
Fra: ROALD AaGE KLEPPE <roalaag@online.no>
Sendt: fredag 9. august 2019 10.58
Til: Siren Skråmestø Juliussen
Emne: Re: 19/14245 Svar på førespurnad om utsatt merknadsfrist
Vedlegg: image001.png

Planleggjar Siren Juliussen

GJELD KOMMUNEPLANEN SIN SAMFUNNSDEL.

Takkar for svar på førespurnad om utsett merknadsfrist.

Eg beklagar at det ikkje er funne tid til utstjing av merknadsfristen. Som eg skreiv i søknaden gjer ferieavviklinga at laget vårt ikkje vert samla før 14.08.19. Likevel torer eg visa til den utlagte planen sitt punkt 2.2 Medverknad, der det heiter, sitat" Det er eit mål at kommunen skal leggja til rette for auka deltaking og mogelegheit for reell påverknad i utgreiings- og beslutningsprosessar."

Me kan ikkje sjå at dette plankravet er fylgt med omsyn til at planen vart lagt ut i ferietida. Då vart det jo ikkje mogelegheit til reell påverknad frå vår side.

Personleg er eg no komen heim frå min ferie, og torer likevel å koma med eit par merknader til planen i tillegg til dei eg nemnde i søknaden om utsetjing av fristen.

Merknader:

Osterøy har eit tradisjonelt, mangfaldig og rikt song-, musikk-, teater- og danse-miljø. Den store utfordringa har alltid vore at ein manglar ei skikkeleg scene til å få syna dette fram. Den tidlegare gymn.salen på ungdomsskulen heldt ikkje lenger mål. Kommunen har vorte mykje større i folketal og aktivitetar. Difor ber me om at ein startar planlegging av eit kulturhus med ei skikkeleg scene. I dette kulturhuset kunne ein og lagt biblioteket, og gjerne ein symjehall m.m.m.

Elles er det svært viktig at ein har fokus på barn og unge i ein slik plan, og legg til rette for at alle barn og unge kan vera deltakarar på fritida i varierte aktivitetar. For å få alle barn og unge med, må slike aktivitetar vera gratis. Kommunen må ev. gje tilskot til drift der barn og unge deltek. For oss i Fotlandsvåg er dette eit viktig prinsipp for å sikra rekruttering for framtida. Musikklaget har betalt for aspirantar i musikkskulen, men me har mykje anna å bruka pengar på i drifta og; notar, instrument, instruktør/dirigent m. m.

Det er og viktig at ungdom spesielt, har gode møteplassar på fritida. Her må ikkje krava til prestasjonar vera målet, men det å møtat, "hengja med nokon", som ungdomen sjølv uttrykkjer det.

Denne uttalen er skriven av meg som noverande leiar i Fotlandsvåg musikklag.

Vonar me vert høyrde, sjølv nokre få dagar etter fristen.

Venleg helsing

Roald Åge Kleppe
Leiar Fotlandsvåg musikklag.

Den 05.07.2019 13:35, skrev Siren Skråmestø Juliussen:

| Sjå vedlegg

Med venleg helsing

Siren Juliussen

Planleggjar



T / 56 19 21 00

D / 56 19 21 75

E / siren.juliussen@osteroy.kommune.no

W/ www.osteroy.kommune.no // www.osteroy.kommune.no/plan

[Sjå vår brosjyre](#)

Osterøy kommune Rådhusplassen 5282 Lonevåg Org. nr.: 864 338 712